

Na osnovu člana 12. Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08, 22/09 i 109/12), Zakona o privrednim društvima F BiH ("Službene novine F BiH", broj: 81/15, 75/21), Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH, broj: 12/03, 34/03 i 65/13), Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine ("Službene novine Federacije BiH", broj: 20/16, 3/17, 9/17, 69/17 i 96/17), člana 19. i 20. Statuta JP Cesta Federacije Bosne i Hercegovine d.o.o. Sarajevo i Odluke Nadzornog odbora JP Ceste Federacije BiH d.o.o. Sarajevo broj: 01-03.2NO- 8135-5/25 od 18.08.2025. godine i Odluke o verifikaciji Odluke broj: 01-03.2NO- 8135-5/25 od 18.08.2025. godine, broj: 01-03.2NO-9037-6/25 od 23.09.2025. godine, Nadzorni odbor JP Ceste Federacije BiH d.o.o. Sarajevo, objavljuje:

**JAVNI KONKURS / NATJEČAJ ZA IZBOR I IMENOVANJE IZVRŠNOG
DIREKTORA ZA EKONOMSKE I PRAVNE POSLOVE JP CESTE FEDERACIJE BIH
D.O.O. SARAJEVO**

1. Raspisuje se javni konkurs/natječaj za izbor i imenovanje izvršnog direktora za ekonomske i pravne poslove JP Ceste F BiH d.o.o. Sarajevo.

2. Opis pozicije izvršnog direktora za ekonomske i pravne poslove JP Ceste Federacije BiH

- organizuje i koordinira ekonomske i pravne poslove JP Ceste FBiH, odnosno iz djelokruga Sektora ekonomsko-finansijskih poslova i Sektora pravnih, kadrovskih i općih poslova te odjela koji su u nadležnosti Uprave, a iz svog domena, u saradnji sa direktorom,
- organizira rad, zastupa i predstavlja društvo i odgovara za zakonitost poslovanja u obimu koji mu odredi Direktor,
- sarađuje sa drugim izvršnim direktorom i rukovodiocima sektora,
- učestvuje u izradi srednjoročnih i godišnjih planova i programa JP Ceste F BiH,
- prati i kontroliše realizaciju poslova i zadataka iz plana i programa JP Ceste FBiH za tekuću godinu, predlaže i preduzima mjere u cilju uspješne realizacije istih,
- nadzire i provodi postupak javnih nabavki u skladu sa Zakonom o javnim nabavkama BiH i drugim propisima,
- učestvuje u pripremi projekata i programa JP Ceste FBiH,
- obavlja kontrolu ažurnosti i ispravnosti dokumentacije, koju je prethodno ovjerio nadležni rukovodilac sektora ili odgovorni izvršilac,
- analizira realizaciju plana i programa JP Ceste FBiH za tekuću godinu sa ekonomsko-finansijskog i pravnog aspekta i izvještava Nadzorni odbor,
- preduzima i predlaže mjere u cilju uspješne realizacije planiranih sredstava,
- predlaže mjere za poboljšanje efikasnosti i ekonomičnosti poslovanja JP Ceste FBiH sa ekonomskog i pravnog aspekta,
- daje prijedloge o radno pravnom statusu radnika, zapošljavanju, raspoređivanju i otpuštanju radnika u skladu sa važećim zakonima i opštim aktima JP Ceste FBiH,
- obavlja i druge poslove u skladu sa važećim zakonima i Statutom JP Ceste FBiH po osnovu odluka Nadzornog odbora i po nalogu direktora.

3. Mandat

Imenovanje izvršnog direktora za ekonomske i pravne poslove se vrši na period od 4 (četiri) godine.

4. Uslovi

Kandidati moraju ispunjavati opće i posebne uslove.

a) Opći uslovi:

Kandidat je dužan ispunjavati sljedeće uslove:

- da je stariji od 18 godina, a da nije stariji od 65. godina na dan imenovanja (dokaz: Izvod iz matične knjige rođenih)
- da je državljanin Bosne i Hercegovine (dokaz: uvjerenje o državljanstvu ne starije od 6 mjeseci)
- da nije otpušten iz državne službe kao rezultat disciplinske mjere na bilo kom nivou vlasti u Bosni i Hercegovini (na nivou države ili entiteta) u periodu od tri godine prije dana objavljivanja upražnjene pozicije(dokaz: ovjerena izjava kandidata)
- da se na njega ne odnosi član IX.I Ustava Bosne i Hercegovine(dokaz: ovjerena izjava kandidata)
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine i člana 12. Zakona o javnim preduzećima (dokaz: ovjerena izjava kandidata)
- da nije na bilo koji način povezan sa direktnim ili indirektnim konkurentom JP Ceste Federacije BiH (dokaz:ovjerena izjava kandidata)
- da nema privatni finansijski interes u preduzeću u kojem se kandiduje za izvršnog direktora (dokaz: ovjerena izjava kandidata),
- da nije otpušten iz privrednog subjekta na osnovu povrede obaveza iz radnog odnosa u periodu od tri godine prije dana objavljivanja javnog konkursa (dokaz: ovjerena izjava kandidata)
- da nije izabrani zvaničnik, nosilac izvršnih funkcija ili savjetnik izabranim dužnosnicima i nosiocima izvršnih dužnosti u smislu Zakona o sprječavanju sukoba interesa u institucijama na nivou BiH («Službeni glasnik BiH» broj 18/24) i Zakona o sukobu interesa u organima vlasti Federacije BiH (Službene novine Federacije BiH broj:70/08) (dokaz: ovjerena izjava kandidata)
- da nije član nadzornog ili upravnog odbora u društvu sa većinskim državnim kapitalom ili institucije u BiH (dokaz: ovjerena izjava kandidata),
- da protiv istog lica nije potvrđena optužnica kod Opštinskog i Kantonalnog suda i da isti nije počinio privredni prestup nespojivo sa dužnosti u Upravi društva pet godina od dana pravomoćnosti presude, isključujući vrijeme zatvorske kazne, te da mu presudom suda nije zabranjeno obavljanje aktivnosti u upravi društvo, (dokaz: ovjerena izjava kandidata)
- da isti nije osuđivan za krivična djela (dokaz: Uvjerenje iz nadležnog MUP-a ne starije od 3 mjeseca)
- da protiv istog u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca (dokaz: Uvjerenje Suda BiH i nadležnog općinskog suda po mjestu prebivališta ne starije od tri mjeseca)
- certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22). - (Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju)
- Ovjerenu izjavu kandidata da ne podliježe ograničenjima utvrđenim odredbama člana 252. Zakona o privrednim društvima ("Službene novine Federacije BiH", broj: 81/15, 75/21)

b) Posebni uslovi:

1. visoka stručna sprema, dipl.ecc ili dip.pravnik (dokaz: ovjerena kopija Diplome, Dodatak Diplomi - za kandidate koji su završili studij po Bolonjskom sistemu studiranja. Kandidati koji su završili fakultet van Bosne i Hercegovine, odnosno ako je Diploma stečena u nekoj drugoj državi u obavezi je dostaviti rješenje o nostrifikaciji diplome kao i ovjerenu kopiju nostrifikovane/priznate Diplome)

2. da ima najmanje 7 godina radnog iskustva na istim i sličnim poslovima od dana sticanja visoke stručne spreme (prihvatiti će se isključivo uvjerenje – potvrda, izdata od strane poslodavca/poslodavaca kod kojih je radno iskustvo stečeno i iz koje se može nedvosmisleno utvrditi da je kandidat nakon stjecanja tražene stručne spreme stekao traženo radno iskustvo)
3. da ima najmanje pet godina radnog iskustva na rukovodnim poslovima od dana sticanja visoke stručne spreme (prihvatiti će se isključivo uvjerenje – potvrda, izdata od strane poslodavca/poslodavaca iz koje se može nedvosmisleno utvrditi da je kandidat nakon stjecanja tražene stručne spreme stekao traženo rukovodeće radno iskustvo)

5. Prilikom procijene kvalifikacije i iskustva svih kandidata izvršit će se bodovanje za imenovanje izvršnog direktora za ekonomske i pravne poslove JP Ceste F BiH d.o.o. Sarajevo, gdje su sljedeći kriteriji i to:

- sposobnost prepoznavanja, zastupanja i zaštite interesa JP Ceste Federacije BiH;
- sposobnost za savjesno i odgovorno obavljanje dužnosti izvršnog direktora;
- izražena inicijativnost i neovisnost u radu i donošenju odluka;
- komunikacijske i organizacione sposobnosti;
- znanje i sposobnost razumijevanja poslovnih izvještaja iz oblasti građevinarstva te pozivanje privrednog prava i ukupnog zakonodavstva na području djelovanja JP Ceste Federacije BiH;
- sposobnost upravljanja građevinskim, finansijskim, pravnim i ljudskim resursima;
- rezultati rada ostvareni tokom dosadašnjeg rada (CV).

6. Potrebni dokumenti:

- Prijava kandidata (svojeručno potpisana)
- Biografija sa adresom i kontakt telefonom
- Izvod iz matične knjige rođenih
- Uvjerenje o državljanstvu, ne starije od 6 mjeseci
- Diploma o stečenoj stručnoj spremi
- Dokaz o radnom iskustvu, kako je opisano u posebnim uslovima
- Potpisane i ovjerene izjave navedene u općim uslovima
- Certifikat o završenom usavršavanju izdat od strane nadležnog organa ili izjava kako je navedeno u općim uslovima

Traženu dokumentaciju dostaviti u originalu ili ovjerenoj fotokopiji.

Na osnovu utvrđenih uslova objavljuje se javni Konkurs, te će se provesti postupak i način imenovanja u skladu sa Zakonom i opštim aktima društva.

Konkurs ostaje otvoren 15 dana od dana objavljivanja u “Službenim novinama F BiH” i u dnevnim novinama “Večernji list” i “Dnevni avaz” i web stranici Preduzeća.

Prijave sa dokazima o ispunjavanju traženih uslova treba dostaviti lično ili poštom preporučeno sa naznakom “Prijava na javni konkurs za izbor i imenovanje izvršnog direktora za ekonomske i pravne poslove JP Ceste Federacije BiH d.o.o. Sarajevo- ne otvarati”, na sljedeću adresu:

**JP Ceste Federacije BiH d.o.o. Sarajevo
Bosne i Hercegovine d.o.o. Sarajevo
Terezija broj 54, 71 000 Sarajevo
Kontakt telefon 033 563 470**

Neblagovremene i nepotpune prijave neće biti uzete u razmatranje.

Kandidati koji dostave svoje prijave će biti pismeno obaviješteni o ishodu konkursa, a priložena dokumentacija se neće vraćati.

Predsjednik Nadzornog odbora

Bojčić Nermin, mr.dipl.ing